



Bayar zakat simpanan, pelaburan lebih mudah

Muhamad Shaifullah Tayep

RAKYAT Malaysia masih kurang kesedaran tentang kewajipan membayar zakat, khususnya simpanan dan pelaburan.

Ini menunjukkan pihak berwajib perlu lebih menggiatkan usaha pendidikan dan jangkauan bagi memastikan orang ramai memahami dan menunaikan kewajipan zakat mereka.

Selain menjadi satu kewajipan, membayar zakat juga adalah satu cara untuk umat Islam menyatakan kepercayaan, mempromosikan keadilan sosial, dan secara aktif menyumbang kepada kesejahteraan masyarakat yang lebih luas.

Justeru, institusi perbankan Maybank menerusi Maybank Islamic memperkenalkan Auto Debit untuk Zakat Simpanan & Pelaburan bagi memudahkan umat Islam menunaikan rukun Islam keempat itu.

Boleh diakses melalui laman web Maybank2u dan aplikasi MAE, ciri ini membolehkan pengiraan automatik dan pembayaran zakat terus daripada akaun tanpa sebarang kos tambahan.

Maybank Islamic mengira zakat pada 2.5 peratus daripada jumlah aset pelanggan (Akaun Simpanan, Akaun Semasa, Daily Fund-i, Deposit Berjangka-i dan Dana Berjangka-i) melebihi jumlah Nisab minimum pada akhir tempoh, iaitu 30 Oktober.

Ia menggunakan sistem pengiraan automatik yang tepat bagi membantu mengelakkan kesilapan dalam pengiraan zakat dan menyatukan semua pembayaran zakat untuk Akaun Patuh Syariah dalam satu penyata.

Maybank Islamic akan membuat pengiraan zakat Simpanan dan pelaburan setiap tahun pada 31 Oktober, dengan pembayaran dibuat pada 7 November.

Sekiranya baki tidak mencukupi pada tarikh pembayaran awal, percubaan kedua akan dibuat dalam tempoh 7 hari berikutnya, khususnya pada 14 November.

Auto Debit untuk Zakat Simpanan & Pelaburan boleh diakses untuk semua akaun Maybank Islamic, termasuk Akaun Simpanan, Akaun Semasa, Daily Fund-i, Deposit Berjangka-i, Dana Berjangka-i.

Buat masa ini, perkhidmatan pembayaran zakat disediakan untuk Lembaga Zakat Selangor (LZS) dan Pusat Pungutan Zakat Majlis Agama Islam Wilayah Persekutuan (MAIWP).

Bagaimanapun, Maybank Islamic menyasarkan untuk memperluaskan kemudahan ini kepada agensi zakat lain pada masa hadapan.

Lebih mudah membayar dengan Auto Debit untuk Zakat Simpanan & Pelaburan. Daftar secara dalam talian melalui laman web Maybank2u atau aplikasi MAE hari ini.

Disiarkan pada: Disember 7, 2023 @ 4:49pm